

有部毘奈耶雜事

才二十七

三百廿六
別七

50012



Vertical stamp or text, possibly a library or archival mark, located at the bottom center of the page. The text is oriented vertically and is partially obscured by the watermark.

根本說一切有部毗奈耶雜事卷第三十七 別

唐三藏法師

義淨奉

制譯

第八門第十子攝頌之餘

說四黑四白法四種沙門
次出廣嚴城向毘摩處

尔時世尊告阿難陀曰如是應知教有真偽
始從今日當依經教不依於人云何依教不

依於人若苾芻來作如是語具壽我從如來

親聞是語聞已憶持說斯經典說此律教真

是佛語此苾芻聞彼說時不應勸讚亦勿毀

訾應聽其語善持文句當歸住處檢閱經文

及以律教若彼所說與經律相違者應告彼

言具壽汝所說者非是佛語是汝惡取不依

經律當須捨棄

復次阿難。隨若苾芻來作如是語。具壽我於某住處。見有大衆多。是耆宿善明律藏。我於彼處親聞是語。聞已憶持。皆依經律。真是佛語。此苾芻聞彼說時。不應勸讚。亦不毀訾。應聽其語。善持文句。當歸住處。檢閱經文。及以律教。若彼所說與經律相違者。應告彼言。具壽所說者非。是佛語。是汝惡取。不依經律。當須捨棄。

復次阿難。隨若苾芻來作如是語。具壽我於某住處。見有衆多苾芻。皆持經持律。持母經。我於彼處親聞是語。聞已憶持。皆依經律。真是佛

語此苾芻聞彼說時不應勸讚亦不毀訾應聽其語善持文句當歸住處檢閱經文及以律教若彼所說與經律相違者應告彼言具壽汝所說者非是佛語是汝惡取不依經律當須棄捨

復次阿難隨若苾芻來作如是語具壽我於某住處見一苾芻是尊宿智者我於彼處親聞是語聞已憶持皆依經律真是佛語此苾芻聞彼說時不應勸讚亦不毀訾應聽其語善持文句當歸住處檢閱經文及以律教若彼所說與經律相違者應告彼言具壽汝所說者非是佛說是汝惡取不依經律當須棄

捨復次阿難陀若苾芻來作如是語具壽我
從如來親聞是語聞已憶持說斯經典說此
律教此苾芻聞彼說時不應勸讚亦勿毀訾
應聽其語善持文句當歸住處檢閱經文及
以律教若彼所說與經律不相違者應告彼
言具壽汝所說者真是佛語是汝善取依經
律教當可受持

復次阿難陀若苾芻來作如是語具壽我於
某住處見有大衆多是耆宿善明律藏我於
彼處親聞是語聞已憶持皆依經律真是佛
語時此苾芻聞彼說時不應勸讚亦勿毀訾
應聽其語善持文句當歸住處檢閱經文及

以律教若彼所說與經律不相違者應告彼
言具壽汝所說者真是佛語是汝善取依經
律教當可受持

復次阿難隨若苾芻來作如是語具壽我於
某住處見有衆多苾芻皆持經律持母經我
於彼處親聞是語聞已憶持皆依經律真是
佛語此苾芻聞彼說時不應勸讚亦勿毀訾
應聽其語善持文句當歸住處檢閱經文及
以律教若彼所說與經律不相違者應告彼
言具壽汝所說者真是佛語是汝善取依經
律教當可受持

復次阿難隨若苾芻來作如是語具壽我於

某住處見一苾芻是尊宿智者我於彼處親聞是語聞已憶持皆依經律真是佛語此苾芻聞彼說時不應勸讚亦勿毀訾應聽其語善持文句當歸住處檢閱經文及以律教若彼所說與經律不相違者應告彼言具壽汝所說者真是佛語是汝善取依經律教當可受持

復次阿難陀初之四種名大黑說汝等苾芻應可善思至極觀察深知是惡此非是經此非是律非是佛教當須捨棄後之四種名大白說汝等苾芻應可善思至極觀察深知是善此苾芻此實是經此實是律真是佛教當善

受持阿難陀是謂苾芻依於經教不依於人如是應學若異此者非我所說

尔時世尊告阿難陀曰我今欲往波波聚落

波彼此 答曰如是世尊是時欲往俱尸那城

壯士生地漸至波波邑依折鹿迦林而住諸

人聞已衆議同行出波波邑往詣佛所到已

禮足在一面坐佛爲說法示教利喜時此衆

中有鍛師之子名曰准陀亦坐聽法時諸大

衆旣聞法已辭佛而去准陀即便從座而起

整衣服合掌向佛白言世尊唯願如來與諸

大聖衆明日就宅受我微供佛默然受知佛

受已生大歡喜奉辭而去即辦種種上妙香

美飲食敷設座席置清淨水土屑齒木已遣
使白佛飲食已辦願佛知時世尊即於日初
分時著衣持鉢與諸大眾赴其食處佛及僧
眾就座而坐既見坐定准陀自手持諸供養
奉佛聖眾于時有一罪惡苾芻遂竊銅椀截
著腋下佛神力故不令人見唯佛准陀見此
非法准陀知佛及僧悉飽滿已即行淨水豆
屑齒木屏鉢器澡漱已是時准陀便持小席
在佛前坐即以伽陀請世尊曰
我聞牟尼一切智 已超彼岸無疑惑
最勝導師調御士 願說世有幾沙門
世尊亦以伽陀荅准陀曰

有四沙門無第五
應知勝道及示道
准隨復請曰

世尊說何為勝道
何者名為淨活命
世尊荅曰

能除疑箭斷諸惑
是謂天人之導師
善解第一最勝義
牟尼能破諸疑網
若於法句善宣說
於無罪法善能修

我今為汝說次第
淨道活命并汙道

云何名為示道者
并汙道者願宣揚

唯希圓寂非餘處
諸佛說斯為勝道
方便顯了微妙法
是名第二示道師
依法少欲而活命
是名第三正道活

身著沙門解脫衣
虛誑恒為不實語
於大聲聞真法眾
非我弟子悉皆然
去何無罪共罪居
由彼愚人為惡行
勿以色相信前人
麤險人多詐形貌
如以少金飾耳璫
內假外實如真相

今時世尊見鍛師子設供養已為說隨喜福
頌伽陀曰

常為汙家不著耻
是名第四汙道人
諸在家人當善察
是故當須起深信
淨與不淨同處住
令於善士悉生疑
少時同聚便委付
誑惑常行於世間
體即是銅無所直
多攝門徒亂善人

善施福增長

怨讎皆止息

由善能除惡

惑盡證涅槃

佛爲說法示教利喜作利益已從座而去

內攝頌曰

佛出廣嚴西

迴顧望城郭

經遊十聚落

最後至波波

尔時世尊告阿難陀我今欲往拘尸那城時
阿難陀聞佛告已即隨佛後漸向波波邑未
到金河於此中間路邊暫住告阿難陀我今
背痛汝可以我唄怛羅偈伽疊爲四重我欲
偃卧以自消息時阿難陀聞佛教已即疾疊
衣白言已作願佛知時于時世尊自疊偈伽

肱枕頭右脇而卧兩足相重作光明想正念
安住念當速起如是作意復告阿難。陀曰汝
可速往脚俱多河取滿鉢水吾欲須飲并灑
身體時阿難。陀聞已持鉢詣彼河邊時有五
百乘車繞新渡河水皆渾濁便盛滿鉢來至
佛所白言大德有五百乘車新渡此河水皆
渾濁唯願世尊將洗手足不堪飲用金河不
遠清水可求佛即受水洗足拭面身稍安隱
即起跣趺正念現前端身而住
尔時有一壯士大臣名曰圓滿從此而過見
佛出尊在樹下坐容儀端正衆所樂見身心
寂靜極善調柔如妙金幢光明赫奕見已就

禮世尊雙足在一面坐佛問彼曰汝今愛樂
沙門清淨法耶爲樂婆羅門法耶大臣荅言
大德我樂迦羅摩淨法佛告大臣汝復何緣
樂彼淨法荅言大德其迦羅摩曾隨路行往
一樹下時有五百乘車於此而過經少時間
餘有人來問彼言曰向見五百乘車於此過不
荅言不見又問聞聲不荅言不聞又問仁豈
睡耶荅言不睡若不睡者五百乘車於此而
過何不見聞荅言我不眠睡心常覺悟而不
見聞由定力故彼聞是說便作是念希有上
人澄心寂慮乃能如是又車行震響塵土驚
飛蒙彼身衣而不聞見故我於彼發淨信心

愛樂其法佛告大臣汝意云何五百乘車所
發音響比虛空中雷震霹靂何者爲大白言
大德非但五百乘車假令百千万車作大音
響豈能大於雷震之聲大臣當知我於先時
在此聚落住重閣內於小食時執持衣鉢入
村乞食食已收衣鉢洗足竟於重閣中宴坐
而住忽然雷震降大霹靂于時四牛及二耕
夫并有長者兄弟二人聞此大聲因斯怖懼
俱時喪命城中人民高聲大叫我於余時從
宴坐起出閣經行時有一人從城出外來詣
我所頂禮我足隨我經行我便告曰何故城
中共出大聲有大喧鬧彼白我言城中向來

天忽雷震降大霹靂四牛及二耕夫并長者
兄弟二人因斯怖懼俱時喪命因此城內共
出大聲彼問我言大德豈可不聞此大雷聲
我報不聞彼復白言世尊睡耶報言不睡我
雖內覺而不外聞彼便作是念希有如來應
正等覺寂靜而住大雷振吼而不聞聲即於
我所發淨信心圓滿聞已白言大德豈有於
佛不生敬信我今於佛深起淨心是時圓滿
告使者曰汝可將我上新細縷黃金色疊奉
佛世尊使者持來圓滿白佛言世尊此是上
新細縷黃金色疊唯願哀愍爲我納受世尊
欲令彼獲勝利即便爲受圓滿復言大德世

尊我當更欲供事佛僧願見聽許佛言斯爲
善事見佛受已歡喜踊躍頂禮佛足奉辭而
去佛告具壽阿難陀此金色黃疊以刀截縷
我今欲著時阿難陀聞佛教已即便以刀截
去縷續持奉世尊佛即爲著佛身威光令衣
金色無復光彩時阿難陀白佛言大德世尊
我隨佛後二十餘年未曾覩佛如是顏容威
光赫奕何因緣故現斯光明非常炳著佛告
阿難陀有二因緣現其光相異於常日云何
爲二一者若菩薩即於此夜證阿耨多羅三
藐三菩提二者如來即於此夜入無餘依大
涅槃界於此二時現斯勝相又阿難陀我往

金河阿難陀聞佛教已即隨佛後至彼河所
佛即脫衣置於岸上唯著洗衣入河洗浴出
已拭身告阿難陀曰准陀必當生追悔心汝
可安慰報言准陀汝今多獲善利能為最後
供養大師受斯供已入無餘依妙涅槃者甚
為難遇應知准陀有二種因心生追悔應為
開解作如是語准陀我自於佛親聞是語有
二種施所受果報無與等者為菩薩時受其
食已便證無上正等菩提及以如來受最後
食入無餘依妙涅槃界阿難陀此二種施所
獲果報無與等者阿難陀應知准陀為長壽
業為多力業為美貌業生天業財食業貴勝

業眷屬業悉皆增長。今時且壽。阿難。隨白言。世尊。闡陀。苾芻。性懷猛惡。多瞋造次。於諸苾芻。常出不順。麁惡言詞。佛滅度後。云何共任。佛告阿難。隨我滅度後。闡陀惡性。苾芻應默擯治之。彼被治時。若生憂悔。起敬仰心。衆知改者。共施歡喜。如常共語。世尊復告阿難。隨我今欲往拘尸那城。阿難。隨言。如世尊教。即隨佛後。往壯士生地。旣渡金河。去城不遠。於路邊住。告阿難。隨曰。我今背痛。汝可以我。唄。但羅僧伽。疊爲四重。我欲偃卧。以自消息。時阿難。隨聞佛教。已即疾疊衣。白言。已作願。佛知時。于時。世尊。自疊僧伽。肱枕頭。右脇而卧。具

說如前復告阿難陀汝當宣說覺分之法時
阿難陀白言大德世尊於此覺分自證自覺
親爲我說依於閑靜依於離欲依於寂滅斷諸
緣務勤修於念擇法精進喜安定捨此之覺分
大德世尊自證自覺之所宣說阿難陀汝謂
如是七覺分法依閑靜等若多修習勤精進
者當得無上正等菩提說是語已佛即起坐
正念思惟端身而住時有苾芻而說頌曰
世尊自勸諭 今宣微妙法 可爲諸病人
當說菩提法 大師身有疾 并爲病苾芻
於覺分法門 敷演令開悟 善哉阿難陀
白法皆圓滿 聰明有大智 巧說牟尼法

於正念擇法 精勤喜覺分 輕安及定捨
善能分別說 無上調御師 樂聞覺分法
雖身有疾苦 無辭尚起聽 佛為法主尊
是能開導者 為法尚殷重 何況所餘人
復有諸賢聖 於十力教法 假令遭疾苦
起聽不辭勞 此等善持經 及以明律論
尚樂聞正法 餘人何不聽 世尊離染教
聞已如說行 繫念法精勤 當得於喜分
由心有喜故 為此身輕安 由安有樂生
從樂生於定 由有妙定捨 了諸行無常
能離三有生 染著心不起 能離諸有苦
不樂於人天 證無上涅槃 如薪盡火滅

如是大利益

皆從聞法生

是故勸臨終

諦聽於妙法

尔時世尊告具壽阿難陀今可進詣拘尸那城答言如是即便隨佛後至壯士生地住娑羅林將欲涅槃告阿難陀曰汝今爲我於雙樹間安置床敷我當於彼北首而卧今日中夜必入涅槃時阿難陀如教作已詣世尊所頂禮佛足在一面立合掌白言如佛所教並已安置是時如來即往就床右脇而卧兩足相重作光明想繫意正念觀察而住爲涅槃相時阿難陀在佛背後憑床而立悲啼號哭出大音聲作如是語苦哉痛哉何期如來速

般涅槃何期善逝速般涅槃何期疾哉世間
眼滅每於先時諸方苾芻來詣佛所佛爲說
法初中後善文義巧妙純一圓滿清淨鮮白
梵行之相我因得聞甚深妙法彼於今日聞
佛涅槃不復更來遂令如是殊勝妙法隱沒
於世佛告諸苾芻阿難陀今在何處白言世
尊今在佛後憑床悲慟作如是語廣說如前
乃至殊勝妙法隱沒於世佛即告阿難陀曰
汝勿憂愁悲泣懊惱何以故汝侍如來作身
慈業獲大利樂唯獨一身得無邊福作口慈
業及意慈業亦復如是得無邊福阿難陀過
去如來應供等正覺皆有如是供侍之人如

汝用心供侍於我未來諸佛亦有供侍與汝
無異阿難隨世相如是皆不久停畢歸磨滅
無常住者以是義故汝今不應悲啼涕泣生
大苦惱不見世間從緣生法常住不壞我曾
爲汝廣說法要諸有可愛稱意之事並歸無
常悉皆離別尔時世尊大悲所熏爲令阿難
隨生喜悅故告諸苾芻轉輪聖王成就四種
希有之事云何爲四謂有利帝利衆來詣王
所旣得見王深生慶悅復聞妙法倍加歡喜
如是復有婆羅門衆諸長者衆雜沙門衆來
詣王所如上所說乃至倍加歡喜汝等當知
如轉輪王四希有事此阿難隨亦復如是

四希有事何等爲四謂有四方大苾芻衆來
至其所情生欣慶復聞妙法重增歡喜如是
大苾芻尼衆鄔波索迦鄔波斯迦至阿難陀
所亦復如是倍加歡喜汝等苾芻此阿難陀
復有四種希有妙事云何爲四若阿難陀與
苾芻衆說法之時善能開解無有疑滯諸苾
芻衆咸作是念善哉善哉此阿難陀宣說妙
法幸勿默然莫辭勞倦然諸聽衆情無厭足
時阿難陀旣說法已默然而住或爲苾芻尼
近事男近事女說法亦復如是時阿難陀聞
是語已心便喜悅即白佛言世尊於此地中
有六大城所謂室羅伐城娑雞多城占波城

婆羅痲斯城廣嚴城王舍城何故世尊棄捨
如是形勝福地就斯荒野磽确邊隅卑陋之
所而般涅槃佛告阿難陀勿作是語拘尸那
城是邊鄙卑陋不可樂處何以故阿難隨此
拘尸那城乃往古昔有聖王都城名拘奢伐
底安隱豐樂人民熾盛縱十二踰繕那廣七
踰繕那城有七重垣院周匝圍繞此等皆以
四寶所成謂金銀琉璃水精城門亦以四寶
合成門門皆有大華表柱亦以寶成舉高七
人城外渠漸深三人半其渠邊畔砌以寶甃
於七院中各有多羅樹而為行列皆四寶成
金多羅樹以銀為枝葉花果銀樹金裝琉璃

樹水精裝水精樹琉璃裝此等諸樹風吹動
時出微妙響悅可衆心於此樹間皆有浴池
階基礎道亦四寶成四邊欄楯亦四寶成池
中多有可愛之花喞鉢羅鉢頭摩俱物頭分
陀利迦極軟花極香花常生花如是諸花人
無護者隨其受用復於池岸有占博迦花摩
利迦花美意花如是等花隨時開發阿難陀
於林樹間多諸美女服妙瓔珞隨意遊從所
須飲食皆能給與又此城中所有耽著五欲
樂者於此遊觀皆遂其心又復常有種種鼓
樂絲竹歌舞出妙音聲皆悉勸讚修諸福業
持齋戒等又阿難陀於此城中有王名大善

見七寶具足具四希有所謂輪寶象寶馬寶
珠寶女寶主藏寶主兵寶四希有者所謂王
壽命長遠初爲王子次爲太子次登王位後
修梵行如是四位一一皆經八万四千歲是
名第一希有復次其王儀容端正世間無比
是爲第二希有又復少病少惱所御飲食安
隱適時是爲第三希有又諸人衆忠孝事王
皆生父想王亦愛念猶如赤子王出遊時乘
車而去勅馭者曰汝今宜可徐徐引車令衆
見我王於人庶常生愍念是爲第四希有
復次阿難陀時有國人持諸金銀末尼等寶
來詣王所白言大王臣有此寶謹奉大王願

哀納受時王告曰卿等當知如是諸寶我自
豐足誠無所須諸人如是再三啓請王竟不
受時彼念曰我持此物本希奉進王旣不受
將如之何宜置王前各還本處作是念已置
寶而去王作是念今此珍寶是依法得非是
枉求我今宜用修造法堂時有八万四千諸
城小王聞大王將建法堂咸詣王所白言唯
願聖王不煩神慮臣等望欲為王營造今時
大王告諸臣曰我足珍財無煩卿等諸王如
是再三啓請王不然許時諸小王來捧王足
或執衣襟合掌啓白願天安住臣等為造王
見慇勤默然而許諸王知已各還本處各持

金銀等寶又復人持一柱皆以寶成來詣王
所白言聖王諸有所須悉已周備不知何處
可欲興功其量大小王曰於此城東簡形勝
地縱廣一踰繕那可於彼作諸王聞已即就
其處興建法堂如其量數阿難陀其堂所須
椽梁枅拱閣道鈎楯軒廊周匝如是諸事
皆用金銀琉璃水精等寶之所成就其床敷
座席氈褥偃枕机案箱篋衣服之流皆以衆
寶而爲裝校阿難陀於堂階下一一柱間各
種一樹樹身各刻四寶枝葉花果手以寶嚴
如前所說微風吹動出和雅音如奏天樂堂
內悉以金沙布地栴檀香水常爲灑潤金繩

界道寶網四懸垂諸寶鈴盡出嚴飾是時八
万四千諸王同建法堂莊嚴事畢於此堂側
多造浴池皆方四十里所有階砌悉以四寶
而爲嚴飾於其池中有四種花池外復有諸
陸生花並如前說又於堂前處處行列四寶
多羅樹枝葉花菓皆互嚴飾風動發聲亦如
前說所在之地皆布金沙灑以香水寶鈴和
響在處皆懸是時諸王嚴飾旣畢皆共白王
聖主當知所建法堂及諸林泉備盡嚴麗願
親臨幸王聞生念此勝法堂我今不應先自
受用宜請一切沙門婆羅門等有德行者於
此堂中備盡所有如法供養卽隨所念設大

施命皆共給已復作是念我今不應於此法
堂放逸著樂遂將一人以爲執侍躬自入堂
淨修梵行遂於金閣銀座之上結跏趺坐正
念思惟遠離欲界諸不善法除去尋伺證入
初禪從金閣起次昇銀閣坐於金座及琉璃
水精皆悉綺互而爲裝飾其王於上皆能次
第證會深禪除諸障累尔時八万四千宮人
媼女詣寶女所白言大家我等諸人承王恩
念久闕侍衛情甚渴仰咸願拜謁希垂聽許
時大夫人報主兵臣曰汝今應知我等後宮
久不見王情深戀慕將事朝謁宜時嚴駕其
臣白言若如是者伏請大家勅諸侍從所有

莊嚴皆為黃色作是語已復更白言然我今者且命八万四千小國王等誡兵令集諸臣依命初令象駕都八十千以長淨象王而為上首次嚴馬駕以騰雲馬王而為上首次嚴車駕以喜鳴輅車而為上首如是二類亦八十千皆寶莊嚴殊妙第一國大夫夫人乘鳴輅車所將嫫女亦復如是其諸營從皆乘象馬威容嚴肅旗鼓曜日駭天震地同往法堂時王問曰何因緣故車馬繁雜出大嚙聲謁者荅曰國大夫夫人及小王類并諸嫫女悉著黃衣花鬘幢蓋盡黃嚴飾其數繁廣不可勝言同來至此方申拜謁王曰汝可於此堂外敷

設床座吾將往觀使者奉命敷金座已而白
王言敷設已畢時王從臺安詳而下次半階
路遙見黃色儀駐嚴威遂作是念是等威儀
甚可愛樂嚴飾鮮異何其盛哉王既坐已國
大夫人前致敬已却住一面向言大王以此
八万四千寶女嚴飾美麗敬奉大王願時哀
納勿爲棄捨時小國王八万四千衆各以兵
寶而爲上首白言大王今此象馬車乘及以
八万四千城邑拘尸奢跂底城而爲上首復
有八万四千樓閣悉皆嚴飾甚爲殊妙唯願
大王哀憐納受而見覆護王曰姊妹當知我
先昔與汝極爲親密誰謂今日有若怨家以

諸非法勸喻於我時夫人等聞彼大王喫爲
姊妹泣而言曰今觀王意似弃我等以衣拭
淚重白王言何故大王先於我輩意甚親密
今若怨家時王告曰汝等應知人命短促生
者皆死我及諸人同歸滅壞設有姝女無量
百千如怨詐親必能害已雖懷愛染終當離
別巨佐車馬樓觀嚴飾如是妙物無量無邊
一一皆有八万四千終歸無常不得久住是
故智者速宜遠離勤修梵行勿生染著時大
夫人等聞王此語知不採納不稱所願時王
如法廣勸誠已復歸金閣於銀座上結跏趺
坐於諸有情起大慈意遍滿十方布無限量

普薰修已端心而住從慈定起次發悲心大喜大捨於諸有情亦復如是周遍十方其閣及座綺互衆寶時王一一修習四梵住諸欲皆斷壽將盡時爲死所逼情生憂悶命終之後得生梵天

佛告阿難陀拘尸那城至金河岸娑羅雙林壯士生地繫冠制底於此周迴十二踰繕那如來昔爲轉輪王於此中間六度捨命今復於此而般涅槃是爲第七又復如來應正等覺於十方界更無第八捨身命處何以故我生已盡斷諸惑業更不於餘受後有故。亦時具壽鄒波摩那在佛前立佛告鄒波摩

那汝今不應對我前任時此苾芻即離佛前
時阿難隨白佛言我侍世尊二十餘年未曾
聞作麁訶責言如鄔波摩那苾芻佛告阿難
隨無量百劫長壽諸天共相嫌議作如是語
世間唯有如來大師極難出世時乃一現如
烏曇跋花今日中夜定入無餘妙涅槃界由
此威德苾芻當佛前任我等不暇親近世尊
供養恭敬阿難隨白言諸來天衆其數幾何
佛言南白金河至拘尸那城雙林之處來至
繫冠制底於此周環十二踰繕那皆有大威
德天排肩而住中間無有立柱之地時諸苾
芻咸生疑心請世尊曰具壽鄔波摩那先作

何業有大威德佛告諸苾芻邬波摩那先自
作業今還自受廣說如餘乃至說頌汝等苾
芻乃往古昔此賢劫中人壽二萬歲時有佛
出世名迦攝波十号具足住婆羅痾斯施鹿
林中仙人墮處時邬波摩那身為出家時諸
苾芻著衣持鉢入城乞食此人次當守寺時
有黑風暴雨卒起既屬嚴寒彼作是念諸梵
行者遭此寒苦衣服皆濕將欲來至我今宜
應嚴辦相待作此念已入浴室中然火煖湯
敷設床席於其廊下繫繩為架詣寺門首望
諸苾芻彼既至已屈入室中取其濕衣淨浣
濯已安在架上別將淨服與苾芻著既解勞

之身心溫暖寒苦皆除歡喜適悅其守寺苾
芻長跪合掌向大眾前而發願言我今爲諸
同梵行者除苦得樂所生善根如迦攝波如
來應正等覺授摩訶婆記於當來世人壽百
歲時成等正覺号釋迦牟尼願我於彼佛法
之中而得出家斷諸煩惱證阿羅漢果然火
功德當願身光天莫能近汝等當知由彼願
力於我法中而得出家斷諸煩惱證阿羅漢
果有大威德爲此諸天莫能逼近
時具壽阿難陀而白佛言大德世尊般涅槃
後我當云何恭敬供養如來法身佛告阿難
陀汝宜且止汝所問事當有信心婆羅門長

者等自爲施設復白佛言諸長者等所有施設其事云何佛言一一皆如轉輪王葬法又問轉輪王法其事云何佛言汝今應知轉輪聖王命終之後以五百斤上妙疊絮以用纏身上下各有五百妙衣以爲裝飾於鐵棺中滿盛香油舉王置內然後蓋棺以諸香木焚燒其棺次灑香乳以滅炎火方收王骨安置金瓶於四衢道興建大塔幡幢傘蓋諸妙香花恭敬供養尊重讚歎設大齋會阿難陀如恭敬供養轉輪聖王於我滅後人天供養當倍過於此

尔時世尊告阿難陀汝今宜往拘尸那城宣

我言告五百壯士諸人當知如來大師必定今日於中夜時入無餘依妙涅槃界所應作者宜可速爲勿招後悔云此境內大師涅槃我等不知不爲供養時具壽阿難隨聞佛教已持僧伽肱將一侍者即便往至拘尸那城衆集堂所五百壯士皆至於此共論餘事時阿難隨傳世尊命告諸壯士曰汝等旣集成應善聽如來大師今日中夜必入無餘大涅槃界所應作者皆可作之勿招後悔作如是語如來大師於我境內入般涅槃人等不能少興供養時諸壯士旣聞是語各與妻子眷屬朋友僕使之類共相招引詣娑羅林頂禮

佛足退坐一面。爾時世尊爲說妙法。示教利
喜時。諸壯士從坐而起。整衣服。偏袒右肩。合
掌瞻仰。而白佛言。大德世尊。我某甲等。並是
拘尸那城尊貴壯士。願盡形壽。歸依佛陀。歸
依達摩。歸依僧伽。并受學處。時阿難隨作如
是念。彼諸壯士於世尊處。一一別受近事學
者。時旣淹久。妨廢圓寂。我今宜請與彼一時
受其學處。作是念已。從坐而起。整衣合掌。而
白佛言。大德世尊。諸壯士等。并諸眷屬。品類
衆多。各有如是別別名号。欲歸三寶。求五學
處。若各別受時。恐淹遲。唯願大悲。一時爲受
時。阿難隨對世尊前。一時牒名爲受。歸戒時。

諸壯士聞佛說法復受學處生大歡喜頂禮
佛足奉辭而去

尔時世尊為菩薩時在觀史多天以五種事
觀察世間六欲天子三淨母腹現白象相來
入母胎時天帝釋告善愛健闍婆王汝今當
知菩薩在觀史多天宮以其五事觀察世間六
欲天子三淨母腹現白象相降神母胎我等
宜往共為衛護時健闍婆王白言大天可去
我且於此奏諸音樂是時菩薩出母胎時其天
帝釋復告善愛音樂王曰汝今當知菩薩從
母胎出我等宜往而為侍從荅乃如前與諸
童子共遊戲時其天帝釋復告音樂王曰汝

今當知菩薩共諸童子遊戲可往侍從。若乃如前菩薩觀知老病死已情生憂惱依託林野修諸苦行後食二牧牛女十六轉乳糜氣力宣通食諸飲食沐浴形體塗拭蘇油。爾時帝釋復命樂神令其侍衛。若亦如前世尊降彼三十六億天魔軍衆成無上智。梵王來請詣婆羅痾斯三轉十二行法輪制諸學處。凡是有緣所應度者皆已度訖。詣拘尸那城最後而卧時天帝釋復命樂神廣如前說。乃至可往聽法。若言我且奏諸音樂時天帝釋復告樂神曰。汝今當知大覺世尊最後而卧必般涅槃。可與供養。若亦同前。爾時世尊作如

是念善賢外道能至我所而受調伏樂神善
愛無自來法又復念曰凡是聲聞度者如來
亦度應佛度者餘不能度由待勝上善巧方
便我今應可度彼善愛作是念已即便入定
由定力故最後卧處化作一身又復化作千
絃琉璃箏篴於卧處沒自持箏篴詣三十三
天至善愛健闍婆王宮門而住其時善愛自恃
憍慢於彈箏篴謂無過者於自宮中作樂歡
戲情生愛著尔時世尊告守門者汝可往報
善愛王言有健闍婆來至門首欲求相見時
守門者即入具報其王高慢報曰除我更有
健闍婆耶荅曰更有今在門外善愛聞已情

懷不忍即自出門告言丈夫汝是健闍婆耶
佛言我今實是健闍婆王若尔可來對奏音
樂報言大仙甚善我能共作佛即對彼共彈
箏篴佛斷一絃彼亦斷一然二音聲並無闕
處佛又斷二彼亦斷二然其音韻一種相似
佛又斷三斷四彼亦如是乃至各留一絃然
音聲不異佛便搥斷彼亦斷之佛於空中張
手彈擊然其雅韻倍勝於常彼便不能情生
希有降伏傲慢知彼音樂超勝於我世尊觀
已即便隱彼健闍婆身復本形相時彼樂神
見佛世尊身真金色三十二相八十種好周
匝莊嚴赫弈光明超逾千日如寶山王觀者

忘倦見已欣悅深生敬仰禮佛足下坐聽法
要尔時世尊觀彼根性隨機為說四聖諦法
令得開悟彼即能以智金剛杵摧二十種身
見邪山證預流果既見諦已深自慶幸而白
佛言大德世尊我今所得非父非母非王非
天非我眷屬及諸知識非餘沙門婆羅門等
能為成辦如是勝事唯獨世尊慈念哀愍令
我今者枯竭血海超越骨山閉惡趣門開涅
槃路置人天道我今歸依佛法僧寶為邬波
索迦始從今日乃至盡形不殺生乃至不飲
酒受三歸依并五學處尔時世尊復為說法
示教利喜已即便入定天宮處沒還至雙林

最後卧處

根本說一切有部毗奈耶雜事卷第三十七 別

訾訾音二同紫閱音悅鍛師上丁亂反腋音亦耳璫音當怨

讎二字音寃塵音全下蒲反霹靂上音普覓反縷音縷續下音求

位反晒音上著音又直丙音略知音慮闡音隨上昌反悲音慟洞音下

涕泣體上音礎音確下苦音交反縱音十上容音足踰音繕逾音下

時扇垣音戶官音反一渠音壑下七音欄音楯下尹音反衣襟音下

下音枅音拱上居音勇反鷄音下氈音禰上延音之机音案上矣音反居箱音上

篋下音帖反苦音伺相音寺輅音車上音駭音胡解音跽器音許嬌音二

同浣濯上音携伴音反温音煖逼音彼力音絮息音慮

傘蓋音散上音淹音久廉音反乳糜音下碑音密反傲音二傲音同吾音反

